



UNIVERSITÄTS-  
BIBLIOTHEK  
PADERBORN

# **Cogitationes, Sive Considerationes Christianae Pro singulis Anni diebus**

Complectens Octobrem, Novembrem, Decembrem

**Nepveu, François**

**Monachii, 1709**

Dies 18. De modo officia sua adeundi, & obeundi.

---

[urn:nbn:de:hbz:466:1-60533](https://nbn-resolving.org/urn:nbn:de:hbz:466:1-60533)

nullus errorum tuorum sit impunitus; at- October.  
que hac de causa semper aliquam tibi poe-  
nitentiam injunge.

*Statue nunquam cubitum concedere, prius-  
quam conscientiam tuam probe excusseris.*

Statue tibi speculam; pone tibi amari-  
tudines, & dirige cor tuum in viam rectam.  
*Jerem. 31. 21.*

Aliena discutientes, propria non aspi-  
cientes. *Chrysost.*

## DIES XVIII.

### De Modo Officia sua adeun- di, & obeundi.

#### I.

**O**fficium nullum, nisi Deo vocante, ad-  
eundum; ipse enim Dominus noster  
est; ipsius est nobiscum pro libitu agere.  
Itaque ad id accedendum cum intentione  
pura; cum enim Deus finis noster sit, ad i-  
psam omnia dirigere nos oportet. Ad id  
accedendum naturæ donis, & capacitate  
necessaria instructum; homo, qui versa-  
tur in munere, cuius incapax est, à via sa-  
lutis aberrat. Si ad id accesseris necessa-  
rijs dotibus ornatus, considerare te in illo  
debes, ut Dei vices gerentem. Unde se-  
qui-



October.

quitur 1. Non ferendum, ut quid in officio tuo contingat, quod honori divino adversetur. 2. Grandem tibi zelum esse necessarium, divinam gloriam, quantum penes te est, promovendi: id si negligas, prævaricator es. 3. Ea, quæ Dei sunt, omnibus alijs, etiam tuis, qualiâcunque ea sint, præhabenda, et quæ paratum esse debere, ad ea, si id gloria Dei exiget, immolanda. 4. In exercitio muneris tui, in curis, quas in te suscipere obstrictus es, negotiorum tuorum, fortunæ, familiæq; tuæ, non agendum spiritu avaritiæ, vel ambitionis, neque ex motivo honestatis mundanæ, nec ex desiderio æstimationem tibi comparandi, neque ex affectu purè naturali; sed ut satisfacias voluntati, & dispositioni Providentiæ divinæ, quæ, cum huic muneri te applicarit, vult, ut eo ritè fungaris.

II. Persuasum tibi esse debet, tibi, quanticunque momenti statûs, vel muneris tui negotia sint, aliud longè gravioris momenti negotium incumbere, nempe salutis tuæ. Unde sequitur. 1. Nunquam suscipiendum esse negotium, quantumcunque utile, & gloriosum id videatur, si id salutis tuæ repugnet. *Luc. 9. 25.* *Quid enim prodest homini, inquit Servator, si mundum universum lucretur, animæ verò suæ detrimentum*



tum patiat? 2. Sequitur, omnia alia negotia servire debere negotio salutis, ita ut hoc illis semper præhabeatur, & primas curas, præcipuumque studium sibi vendicer. 3. Sequitur, omnia alia negotia ad hoc referenda, idcirco, quod non modo summi omnium sit momenti, sed insuper finis aliorum esse debeat. 4. Sequitur, tam multa negotia non suscipienda, quamvis in se ipsis bona, ut ijs obruaris, & curæ salutis tuæ tantum tribuere temporis nequeas, quantum tanti ponderis, & difficultatis negotium exigit; nempe quotidie dimidium saltem unius horæ, quo in te redeas, aliquas horas singulis septimanis, queis in te ipsum inquiras, & singulis annis aliquot dies pro sacro quodam secessu.

III. Applica te muneris tui functionibus sollicitè, sine tamen anxietate, & animi inquietudine. Conare observare regulam S. Ignatii, agendi nimirum pro tua parte omnia eâ animi contentione, quasi negotium à te solo penderet; &, ubi omnia præstiteris, ita tibi diffidere, ac si omnia non nisi à Deo penderent, réque ipsi pro felici rerum exitu penitus committere. Opus est magna prudentia, & sensu valdè recto, ut cognoscas, quid in negotijs gerendis à te, & quid non à te pendeat; ut in




October.

uno fortiter agas, & in altero Providentiae divinae modestè te submittas. Eorum, quæ ad exercitium muneris tui pertinent, nihil negligito; nec merum laboris, nec oblectationis amorem adeò tibi dominari permitte, ut vel studio fugias, vel cum mærore amplectaris labores illi annexos. Nihil unquam perfectè ages, nisi munere tuo cum voluptate fungaris: atqui eo cum voluptate nunquam fungèris, nisi muneris tui capacissimus sis. Studiosissimus esto omnes observandi regulas; atque eum in finem labora, ut ijs probè sis instructus. In rebus dubijs Deum consule, ipsius lumen posce, id, conscientiamque tuam sequere, & praxin eorum, qui homines præ reliquis probi censentur.

*Sedulo examina tuam in obeundo munere tuo agendi rationem, ut videas, an has regulas observes.*

In omnibus operibus tuis præcellens esto. *Eccles. 33. v. 23.*

Memento proinde, non dico semper, sed interdum, reddere teipsum tibi, utere tu quoque te inter multos. *Bern. de Confid.*



DIES